



AN COIMISIÚN
EORPACH

An Bhruiséil, 10.3.2015
COM(2015) 128 final

2013/0224 (COD)

**TEACHTAIREACHT ÓN gCOIMISIÚN
CHUIG PARLAIMINT NA hEORPA**

de bhun Airteagal 294(6) den Chonradh ar Fheidhmiú an Aontais Eorpaigh

maidir leis an

**seasamh ón gComhairle maidir le faireachán, tuairisciú agus fíorú a dhéanamh ar
astaíochtaí dé-ocsaíde carbóin ó iompar muirí agus lena leasaítear Rialachán (AE)
Uimh. 525/2013**

(Téacs atá ábhartha maidir le LEE)

**TEACHTAIREACHT ÓN gCOIMISIÚN
CHUIG PARLAIMINT NA hEORPA**

de bhun Airteagal 294(6) den Chonradh ar Fheidhmiú an Aontais Eorpaigh

maidir leis an

**seasamh ón gComhairle maidir le faireachán, tuairisciú agus fíorú a dhéanamh ar
astaíochtaí dé-ocsaíde carbóin ó iompar muirí agus lena leasaítear Rialachán (AE)
Uimh. 525/2013**

(Téacs atá ábhartha maidir le LEE)

1. Cúlra

Dáta an togra chuig Parlaimint na hEorpa agus chuig an gComhairle 28 Meitheamh 2013.
(doiciméad COM (2013) 480 final – 2013/0224 COD):

Dáta na tuairime ó Choiste Eacnamaíoch agus Sóisialta na hEorpa: 16 Deireadh Fómhair 2013

Dáta an tseasaimh ó Pharlaimint na hEorpa, an chéad léamh: 16 Aibreán 2014

An dáta a seoladh an togra leasaithe: n/b

An dáta a glacadh an seasamh ón gComhairle: 5 Márta 2015

2. Cuspóir an togra ón gCoimisiún

Molann an Coimisiún creat dlíthiúil ar fud AE a chruthú chun sonraí bliantúla fíoraithe maidir le hastaíochtaí CO₂ agus éifeachtacht fuinnimh ó gach long mhór (os cionn olltónáiste 5 000) a úsáideann calafoirt AE a bhailiú agus a fhoilsiú, beag beann ar áit chláraithe na long. Is é seo an chéad chéim de straitéis AE chun astaíochtaí gáis cheaptha teasa ó iompar muirí a laghdú mar atá leagtha amach ag an Teachtaireacht ón gCoimisiún a glacadh i mí an Mheithimh 2013¹ agus ba cheart go gcuirfeadh sé freisin leis an bplé leanúnach san Eagraíocht Mhuirí Idirnáisiúnta (IMO)

Is iad príomhghnéithe na scéime um fhaireachán, um thuairisciú agus um fhíorú, a eascraíonn as an togra seo, an méid seo a leanas:

- (a) Raon feidhme: longa atá os cionn olltónnáiste 5 000 agus atá ar cuairt ag calafoirt faoi dhlínse Ballstáit, tá siad faoi rialacha MRV. Astaí beaga (longa beaga agus meánmhéide níos lú ná 5 000 GT) a eisiamh, arb ionann iad agus thart ar 40 % den chabhlach, ach nach n-staíonn ach 10 % de na hastaíochtaí iomlána.
- (b) Tá cúpla catagóir long díolmhaithe: longa cogaidh, longa gabhála agus próiseála éisc, longa adhmaid agus longa rialtais a úsáidtear chun críocha neamhthráchtála.

¹ Teachtaireacht ón gCoimisiún maidir le "hastaíochtaí ó iompair muirí a chomhtháthú i mbeartais AE um gás ceaptha teasa a laghdú" COM (2013) 479 final.

- (c) I gcomhréir le prionsabail an dlí idirnáisiúnta mhuirí, tá feidhm le rialacha MRV ar mhodh neamh-irdheallaitheach ar gach long a thugann cuairt ar chalafoirt AE, beag beann ar a bratach.
- (d) Clúdach na dturas ó chalafoirt AE agus chucu: ón 1 Eanáir 2018 ar aghaidh, beidh ar longa faireachán a dhéanamh ar a n-astaíochtaí CO₂ agus ar pharaiméadair eile éifeachtúlachta a bhaineann lena dturais laistigh den Aontas (iad siúd atá idir calafoirt cuarda atá faoi dhlínse Ballstáit), as a dturais isteach (ón bport deiridh lasmuigh den Aontas go dtí an chéad phort cuarda atá faoi dhlínse Ballstáit) agus lena dturais amach (ó phort cuarda atá faoi dhlínse Ballstáit chuig an gcéad phort cuarda lasmuigh den Aontas).
- (e) Beidh gá le faireachán ar astaíochtaí ó árthaí laistigh de chalafoirt freisin, agus le tuairisciú agus le fíorú orthu. Tá sé sin beartaithe chun úsáid teicneolaíochtaí ar tír a spreagadh chun astaíochtaí a laghdú.
- (f) Úsáidfear na sonraí atá ar fáil cheana féin ó logleabhair, tuairiscí nóna agus nótaí seachadta um breosla umair.
- (g) Tar éis faireachán a dhéanamh orthu, beidh gá na sonraí sin a fhíorú go neamhspleách agus ansin iad a thuairisciú go bliantúil i bhfoirm chomhiomlánaithe don Choimisiún agus do bhratstát na loinge.
- (h) Déanfaidh an Coimisiún tuarascáil ar na sonraí comhiomlánaithe bliantúla fíoraithe ar bhonn "in aghaidh na loinge", lena n-áirítear paraiméadair astaíochtaí CO₂ agus paraiméadair éifeachtúlachta.
- (i) Sannfar líon teoranta cúraimí ar an nGníomhaireacht Eorpach um Shábháilteacht Mhuirí (EMSA), a bhainfidh go príomha leis an mbunachar sonraí forfheidhmithe, i gcomhréir lena rialachán bunaidh.
- (j) Forfheidhmiú ag Ballstáit atá ag gníomhú mar na Bhratstáit nó mar Stát an Chalafoirt (trí Rialú Stáit ar Chalafoirt (faoi 1982) nó trí iniúchtaí atá sonrach do MRV (faoi 1983)), tá siad lena sheiceáil go bhfuil Doiciméad Comhlíontachta bailí (DoC) ar bord long a thugann cuairt ar chalafoirt atá faoina ndlínse, agus chun é sin a leanúint le smachtbhannaí, más iomchuí.
- (k) Nascadh le forbairtí idirnáisiúnta trí athbhreithniú a dhéanamh ar an Rialachán agus trí leasuithe ábhartha arna mbunú ar fhorbairtí atá comhaontaithe go hidirnáisiúnta, go háirithe san Eagraíocht Mhuirí Idirnáisiúnta, a mholadh/ailíniú, más iomchuí.

3. Barúlacha maidir leis an seasamh ón gComhairle

3.1. Barúlacha ginearálta maidir le Seasamh na Comhairle

Is é dearcadh an Choimisiúin gur thug an chaibidlíocht neamhfhoirmiúil pacáiste cothrom ina bhfuil réitigh shásúla ar roinnt ceistanna tábhachtacha amhail raon feidhme an Rialacháin, faireachán agus tuairisciú an lasta, rúndacht sonraí agus trédhearcacht na faisnéise nó na forálacha forfheidhmithe. Tá ar chumas an Choimisiúin, dá bhrí sin, chun tacú leis an toradh mar a léirítear sin i seasamh na Comhairle.

Déanann an Coimisiún mar sin féin ráiteas ar leith a bhaineann leis an úsáid a bhain an Chomhairle as an bhféidearthacht dá bhforáiltear faoi Airteagal 5(4) de Rialachán 182/2011 (an clásal 'gan tuairim') le haghaidh gníomhartha cur chun feidhme. Ní chuireann an Coimisiún ina choinne, ach creideann sé go láidir gur gá údar a bheith leis an úsáid a bhaintear as a leithéid d'fhoráil agus dá bhrí sin déanfaidh sé an ráiteas in Iarscríbhinn a ghabhann leis an Teachtaireacht seo.

3.2. Leasuithe ó Pharlaimint na hEorpa ar an gcéad léamh (go gairid)

Ní dhearna an Chomhairle roinnt leasuithe PE a mheas go sainráite. Tá cur síos thíos ar dhearcadh an Choimisiúin maidir le leasuithe sin PE.

Ag chéad léamh PE cuireadh ar aghaidh go príomha na leasuithe seo a leanas:

- (a) **Tagairtí níos leithne d' "astaíochtaí gáis cheaptha teasa" in ionad "astaíochtaí CO₂" (Leasuithe 1, 9, 10, 12, 17, 21, 23, 24, 29, agus 31). Ghlac an Coimisiún i bpáirt leo.** Sa tuairim ag céad léamh PE cuireadh na focail "astaíochtaí gáis cheaptha teasa" in ionad "astaíochtaí CO₂" roinnt uaireanta chun aird a tharraingt ar an ngá le haghaidh a thabhairt ar astaíochtaí muirí "seachas astaíochtaí CO₂" le himeacht ama. Tá an Coimisiún den tuairim gur cheart go bhfanfadh cuspóir an Rialacháin atá beartaithe dírithe ar CO₂, toisc gurb é sin an astaíocht gáis cheaptha teasa is suntasaí i bhfad ón earnáil mhuirí. Mar sin féin, chomh fada agus nach mbainfear le raon feidhme an Rialacháin, bheadh foclaíocht níos leithne inghlactha ar leasuithe PE. Choinnigh an Chomhairle CO₂ mar an t-aon astaíocht amháin a chumhdaítear, mar atá sa togra ón gCoimisiún, agus ghlac sí le roinnt foclaíochta níos leithne maidir le hastaíochtaí gáis cheaptha teasa agus truaileáin aeir sna haithrisí (aithris 1a nua) agus cinn eile).
- (b) **Longa próiseála agus iascaireachta a chur san áireamh faoin MRV (Leasú. 26) Diúltaithe ag an gCoimisiún.** PE i bhfabhar " longa próiseála agus iascaireachta" a chur san áireamh faoin scéim MRV, nithe a eisiadh ón togra. Is é dearcadh an Choimisiúin gur méid diomaibhseach astaíochtaí na catagóirí sin agus gur chruthaigh siad roinnt fadhbanna forfheidhmithe. Choinnigh an Chomhairle ar deireadh na catagóirí sin as an Rialachán, mar atá sa togra ón gCoimisiún
- (c) **Oibleagáidí faireacháin MRV níos éadroime le haghaidh soithí nach n-oibríonn ach turais a bhaineann le hAE agus a fheidhmíonn ilturais in aghaidh an lae: "córas gairid loingseoireachta mara" (Leasú 58). Ghlac an Coimisiún i bpáirt leis.** Chuir PE isteach díolúine ó oibleagáidí faireacháin "in aghaidh an turais" le haghaidh long nach n-oibríonn ach turais a bhaineann le hAE agus a fheidhmíonn ilturais in aghaidh an lae (amhail báid farantóireachta). Is é an cuspóir na hoibleagáidí faireacháin is gá a shruthlíniú do longa a fheidhmíonn líon ard turas gach lá, a d'fhéadfadh a bheith den chineál céanna. Lena sheachaint, sna cásanna sin, go n-éireoidh an faireachán róthrom gan ghá, ní bheidh dianghá le faireachán "In aghaidh an mhuir aistir" mar chéim idirmheánach, ach fós beidh gá le hoibleagáidí tuairiscithe bliantúla. Mar phrionsabal, tacaíonn an Coimisiún le córas éadrom den sórt sin a fhéachann le cothromaíocht a bhaint amach idir an gá le tuairisciú bliantúil loinge a bheith bunaithe ar shonraí cruinne atá ar bord cheana agus an t-ualach riaracháin a bheadh i gceist do chineál ar leith trádála nó do chúinsí a sainíodh ar bhealach oibiachtúil. Choinnigh an Chomhairle smaoineamh PE, arbh fhearr leis tairseach a leagan amach a bhaineann le líon na dturas sceidealta go bliantúil chun foráil a dhéanamh maidir le cinnteacht dhlíthiúil níos mó do na hoibreoirí.
- (d) **'Lasta a iompraíodh' agus 'obair iompair' a scriosadh ó raon feidhme na sonraí a ndearnadh faireachán orthu mar aon le ríomhanna a bhaineann le héifeachtúlacht fuinnimh (Leasuithe 29, 30, 43, 53-55, 59, 73, 91 agus 93). Dhiúltaigh an Coimisiún do na leasuithe.** Mhol PE "lasta a iompraíodh" agus ríomhanna a bhaineann le héifeachtúlacht fuinnimh oibríochtúil, arna mbunú ar "obair iompair", a scriosadh. Choinnigh an Chomhairle iad mar pharaiméadair faireacháin mar a cuireadh chun cinn sa togra ón gCoimisiún iad.

- (e) **Éifeachtúlacht theicniúil a neartú trí Innéacs Dearaidh um Éifeachtúlacht Fuinnimh (EEDI) a éileamh, do longa atá ann cheana féin freisin (Leasuithe 61 agus 71) Diúltaithe ag an gCoimisiún.** Tá beartaithe ag PE deimhniúchán EEDI a éileamh do gach catagóir long faoin MRV lena mbaineann an EEDI, mar fhrith-thogra ar scriosadh lasta agus ar lagú na héifeachtúlacht oibríochta. Choinnigh an Chomhairle moladh an Choimisiúin faoi raon feidhme EEDI a bheith i bhfeidhm maidir le longa nua (a tógadh nó a deisíodh i ndiaidh 2013) amháin.
 - (f) **'Aicme oighir' long agus eolas maidir le diandálaí an gheimhridh a chur leis an eolas sna pleananna faireacháin agus sna tuarascálacha ar astaíochtaí (Leasuithe 33, 40, 44, 60 agus 70). Ghlac an Coimisiún leo.** Tá PE i bhfabhar pacáiste leasuithe arb é is aidhm dóibh a áirithiú go mbeidh "aicme oighir" (a léireoidh cibé acu a dearadh nó nár dearadh an long go sonrach le haghaidh loingseoireacht i gcoinníollacha mara oighir) ar chuid den chroí-eolas a bheidh le tuairisciú faoi MRV. Choinnigh an Chomhairle príomh-smaoineamh PE ach thiontaigh sí é go tuairisciú deonach.
 - (g) **Tagairt do Threoir 2003/4/CE maidir le rochtain phoiblí ar fhaisnéis ar an gcomhshaol a thabhairt isteach (Leasú 69). Dhiúltaigh an Coimisiún do na leasuithe.** Thug imní PE faoi shonraí a bailíodh faoi MRV, a thabharfadh léargais mhíchuí ar fhaisnéis atá faoi chosaint na tráchtála, thug sí ar PE tagairt do reachtaíocht AE atá ann cheana maidir le rochtain ar fhaisnéis faoin gcomhshaol a thabhairt isteach (mar atá Treoir 2003/4/CE maidir le rochtain ar fhaisnéis) nach bhfuil infheidhme ach amháin maidir le Ballstáit. Tuigeann an Coimisiún nach dtugann sonraí comhiomlánaithe bliantúla MRV léargas de ghnáth ar rúin ghnó; d'fhéadfadh sé, áfach, roinnt oscailteachta a léiriú ionas go measúnófaí i gcás nithiúil agus de bharr imthosca sonracha, an mbainfí an bonn de chosaint leasa tráchtála dhlisteanáí. Rinne an Chomhairle athfhoirmlíú ar smaoineamh PE agus d'fhorbair é ina thagairt do Rialachán Uimh. 1367/2006 maidir le rochtain ar fhaisnéis comhshaoil a chur i bhfeidhm ar institiúidí agus comhlachtaí AE (Rialachán Aarhus) ina bhfuil clásal maidir le leas na tráchtála cosanta atá lena mheas in aghaidh leas an phobail sa nochtadh.
 - (h) **Síneadh intuigthe ar chumhachtú an Choimisiúin gníomhartha tarmligthe a ghlacadh (Airteagal 24(1)). Ghlac an Coimisiún leis.** Molann PE go mairfeadh tarmligeán cumhachtaí cúig bliana agus go gcuirfí fad leis go hintuigthe ar feadh tréimhsí comhfhaid, mura gcuireann PE nó an Chomhairle ina choinne. Is féidir leis an gCoimisiún glacadh leis an gclásal sin, mar is foclaíocht chaighdeánach é, go deimhin. Choinnigh an Chomhairle an ghnáthfhoirmle athnuachana intuigthe.
 - (i) **Measúnú débhlíantúil ar thionchair neamh-CO₂ (Leasú 82). Ghlac an Coimisiún leis.** Mhol PE oibleagáid nua don Choimisiún faoin Rialachán um Shásraí Faireacháin (MMR) go ndéanfaí tionchar iomlán na hearnála iompair muirí ar an aeráid dhomhanda lena n-áirítear trí na hastaíochtaí neamh-CO₂ a mheasúnú ar bhonn débhlíantúil. D'fhéadfadh an Coimisiún glacadh leis an togra PE faoi réir roinnt athfhoirmlithe. Choinnigh an Chomhairle smaoineamh PE ach d'athraigh sí é go hoibleagáid dhébhlíantúil a bheadh le cur i gcrích tráth a bheidh an tuarascáil ghinearálta ar astaíochtaí MRV á tabhairt ar aird ag an gCoimisiún de bhun Airteagal 21(3).
- 3.3. Forálacha nua á dtionscnamh le seasamh na Comhairle agus dearcadh an Choimisiúin.

Chuir an Chomhairle roinnt athruithe isteach nach lagaíonn an togra mórán agus roinnt forálacha nua sa téacs a bhfuil an Coimisiún in ann glacadh leo. Is iad seo a leanas na forálacha sin:

- (a) **Oibleagáidí faireacháin MRV níos éadroime do "chóras gairid loingseoireachta mara" (Airteagal 9(2) nua)** Chuir an Chomhairle forálacha nua isteach a chumasaíonn do longa nach n-oibríonn ach turais laistigh de raon feidhme an togra agus a bhfuil níos mó ná 300 turas sceidealta in aghaidh na bliana acu, go mbainfidís leas as díolúine ó na hoibleagáidí faireacháin "in aghaidh an mhuirastir" (Airteagal 9§ 2 nua). Tá foclaíocht na heisceachta ón gComhairle cosúil go leor leis an leasú a chuir PE ar aghaidh (Leasú 58) agus is féidir leis an gCoimisiún aontú le córas éadrom den sórt sin mar a thuairiscítear i dtéacs na Comhairle (a dhéanann foráil maidir le deimhneacht dhlíthiúil níos mó sa tairseach bhliantúil atá molta). Níl dianghá le faireachán "in aghaidh an mhuirastir" a dhéanamh ar ídiú breosla agus CO₂ le haghaidh longa a fheidhmíonn líon ard gníomhaíochtaí a d'fhéadfadh a bheith cosúil leis sin (amhail báid farantóireachta) go heisiach laistigh de raon feidhme an Rialacháin MRV mar is féidir doiciméid agus sonraí atá ann cheana féin ar bord (mar BDN) a úsáid chun an tslí a ríomhadh ídiú bliantúil breosla agus CO₂ a mheas. Dá bhrí sin ní céim idirmheánach í nach bhfuil fíorghá léi do phríomh-oibleagáidí tuairiscithe bliantúla na loinge faoi Airteagal 10 de Rialachán MRV, a fhanann infheidhme sa tslí chéanna. Braithéann díolúine "in aghaidh an mhuirastir" freisin ar an gcoinníoll nach gá idirdhealú a dhéanamh go soiléir agus sonraí a dheighilt ar bhonn "in aghaidh an mhuirastir" (ionas go seachnófaí sonraí ó thurais lasmuigh den raon feidhme a chlúdach, e.g. idir dhá chalafort cuarda lasmuigh den Aontas). Beidh feidhm leis an dá chritéar oibiachtúla thuasluaite beag beann ar bhratach na long agus ní bheidh longa nach gcomhlíonann iad in ann leas a bhaint as eisceacht den sórt sin.
- (b) **Tuairisciú deonach ag cuideachtaí ar bhonn na gcritéar atá sainmhínithe sa phlean faireacháin (Airteagal 10(3) nua)** Thug an Chomhairle forálacha nua isteach a cheadaíonn do longa faireachán a dhéanamh ar shonraí um ídiú breosla agus ar astaíochtaí CO₂ agus iad a fhoilsiú níos déanaí de réir critéir éagsúla (i.e.: muirastir ualaithe/ballasta). Is féidir leis an gCoimisiún aontú le téacs na Comhairle
- (c) **Réimeas MRV na n-iniúchtaí (Airteagal 19(3)).** Mhol an Chomhairle oibleagáidí údarais na mBallstát a laghdú maidir le longa nár fhógair Doiciméad comhlíontachta agus nach bhfuil clúdaithe ag sásraí forfheidhmithe eile, agus atá ag dul isteach i gcalafort atá faoi dhlínse Ballstát. Is féidir leis an gCoimisiún aontú le téacs na Comhairle mar dhéanadh sé sin na sásraí forfheidhmithe a ailíniú leis na leibhéil atá i bhfeidhm go traidisiúnta san earnáil seo.
- (d) **Ordú díbeartha (Airteagal 20(3)).** Mhaolaigh an Chomhairle na coinníollacha faoina bhféadfaidh na Ballstáit ordú díbeartha a eisiúint i gcás longa atá ag sárú na n-oibleagáidí MRV ar feadh "dhá thréimhse tuairiscithe nó níos mó as a chéile " (in ionad "níos mó ná thréimhse tuairiscithe amháin") agus" i gcás gur theip ar bhearta forfheidhmiúcháin eile comhlíonadh a áirithiú". Chomh maith leis sin cuireadh isteach tagairt don dlí muirí idirnáisiúnta is infheidhme i gcás anacair long. Is féidir leis an gCoimisiún glacadh le téacs na Comhairle.
- (e) **Rialacha náisiúnta maidir le smachtbhannaí agus pionóis agus faisnéis maidir le leigheasanna náisiúnta (Airteagal 20(3a) agus (4))** Maolú a ligeann do Bhallstáit thalamhiata gan longa a mbíonn a mbratach ar foluain acu a eisiáimh ón oibleagáid rialacha náisiúnta a shocrú maidir le pionóis agus smachtbhannaí, cuireadh san áireamh mar 20(3a) nua é. Chomh maith leis sin, tagairt nua don ghá cuideachtaí a

chur ar an eolas faoi na leigheasanna éifeachtacha náisiúnta atá ar fáil i gcás ordú díbeartha, cuireadh isteach faoi Airteagal 20(4) nua í. Is féidir leis an gCoimisiún aontú le téacs na Comhairle ar na pointí sin.

- (f) **Foilsíú sonraí bliantúla comhiomlánaithe agus leasa tráchtála** atá faoi chosaint de bhun Rialachán 1367/2006/CE (Rialachán Aarhus) atá infheidhme maidir le hinstiúidí agus comhlachtaí AE (Airteagal 21(2a) nua. Mhol an Chomhairle athfhoclú a dhéanamh ar an gclásail PE maidir le cosaint leasa tráchtála trí thagairt a chur isteach do Rialachán Uimh. 1367/2006 maidir le rochtain ar fhaisnéis faoin gcomhshaol atá i seilbh instiúidí agus comhlachtaí AE ("Rialachán Aarhus"). Is féidir leis an gCoimisiún aontú le téacs na Comhairle.
- (g) **Gníomhartha tarmligthe ar fhíorú agus ar chreidiúnú agus Iarscríbhinn III nua** ar na heilimintí atá le cur san áireamh ag an gCoimisiún agus na gníomhartha tarmligthe á nglacadh (Airteagal 15(5) agus Airteagal 16(3) agus Iarscríbhinn III nua). Chuir an Chomhairle le sonraíocht ábhar na ngníomhartha tarmligthe ar fhíorú agus ar chreidiúnú a beartaíodh ar dtús faoi Airteagal 15 agus Airteagal 16 den togra ón gCoimisiún trí liosta eilimintí neamhriachtanacha a chur isteach a bheidh le cur san áireamh agus na gníomhartha tarmligthe sin á bhforbairt faoi Iarscríbhinn III nua a ghabhann leis an Rialachán. Cuidíonn sé sin chun raon feidhme na ngníomhartha tarmligthe a theorannú agus dá bhrí sin is féidir leis an gCoimisiún glacadh leo.
- (h) **Oibleagáidí tuairiscithe na mBallstát maidir le hastaíochtaí muirí faoin Rialachán um Shásraí Faireacháin (MMR)** (Airteagal 26). Scríos an Chomhairle aon oibleagáid tuairiscithe bhreise a bheadh le comhlíonadh faoin Rialachán um Shásraí (MMR), bunaithe ar shonraí a bailíodh faoin MRV. Níl dianghá le tuarascálacha bliantúla ar shonraí na mBallstát mar gheobhaidh an Coimisiún na sonraí go díreach ó chuideachtaí agus socróidh sé tuarascálacha bliantúla freisin. D'fhéadfadh an Coimisiún glacadh le seasamh na Comhairle dá bhrí sin.
- (i) **Paraiméadair a fhorbairt chun faireachán a dhéanamh ar lasta "in aghaidh an chineáil loinge" lena n-áirítear trí ghníomhartha breise cur chun feidhme (Iarscríbhinn II cuid B).** I dtéacs na Comhairle, tá "lasta" agus "obair iompair" mar chuid de na paraiméadair a bhfuil faireachán agus tuairisciú le déanamh orthu, mar atá i dtogra an Choimisiúin. Mar sin féin, thug an Chomhairle isteach roinnt moltaí maidir le paraiméadair chun faireachán a dhéanamh ar lasta agus obair iompair, arna n-oiriúnú de réir an chineáil loinge a bheidh ina chuid den MRV. In Iarscríbhinn II cuid B dá bhrí sin tá roinnt forálacha breise a léiríonn paraiméadair úrscothachta atá ann cheana chun faireachán a dhéanamh ar lasta do longa róró agus coimeádáin (de bhreis ar na cinn do longa paisinéirí ó thogra an Choimisiúin atá ann cheana féin).

Maidir le longa eile, molann an Chomhairle go gcuirfí meáchain agus toirt san áireamh mar pharaiméadair faireacháin mar is iomchuí, agus cuireann sí ar chumas an Choimisiúin trí ghníomhartha cur chun feidhme a shonrú tuilleadh, agus a athbhreithniú más gá, an chaoi a bhfuil an oibleagáid faireacháin lasta le cur chun feidhme. Is féidir leis an gCoimisiún glacadh leis an gcur chuige sin. Tá cuimsiú paraiméadar atá sainiúil do longa chun faireachán a dhéanamh ar lasta ábhartha freisin chun forbairtí idirnáisiúnta a chothú, agus go háirithe dul chun cinn in IMO.
- (j) **Leasú ar Threoir 2009/16/CE ó Pharlaimint na hEorpa agus ón gComhairle maidir le Rialú Stáit ar Chalafoirt** ("Treoir PSC) (Airteagal 26a). Mhol an Chomhairle Iarscríbhinn IV den Treoir um Rialú Stát ar Chalafoirt a leasú d'fhonn an Doiciméad Comhlíontachta arna eisiúint faoi Rialachán MRV a chur leis an liosta doiciméad a bheidh le seiceáil ag na hoifigigh um Rialú Stát ar Chalafoirt agus

cigireachtaí PSC ar siúl acu. D'éascódh sé sin cur chun feidhme na sásraí forfheidhmithe dá bhforáiltear faoin Rialachán, agus glacfadh an Coimisiún leis.

- (k) **An clásal gan tuairim Airteagal (Airt. 25(2))** Chuaigh an Chomhairle i muinín na féidearthachta dá bhforáiltear faoi Rialachán 182/2011 chun "clásal gan tuairim" a thabhairt isteach maidir leis na gníomhartha cur chun feidhme faoi Rialachán MRV. Coinneoidh an Coimisiún a sheasamh caighdeánach a léiríonn gur cheart go mbeadh mínithe ar an réasúnaíocht faoi leith atá mar údar leis sa chás seo ag gabháil le clásal den sórt sin: e.g. i bhfoirm aithrise.

4. Conclúid

Measann an Coimisiún go bhfuil an téacs a chomhaontaigh an Chomhairle cóngarach don togra tosaigh ón gCoimisiún, agus go bhfuil ann roinnt leasuithe ar féidir leis an gCoimisiún tacú leo d'fhonn comhaontú a éascú atá le baint amach le Parlaimint na hEorpa ag leibhéal chomhsheasamh na Comhairle.

RÁITEAS

Ráiteas ón gCoimisiún maidir le Rialachán 20xx/xx/CE a athbhreithniú

Cuireann an Coimisiún i bhfios go láidir go bhfuil sé contrártha le teachtaireacht agus le spiorad Rialachán 182/2011 (IO L 55 an 28.2.2011, lch. 13), pointe (b) den dara fomhír, mír 4 d'Airteagal 5 a agairt ar mhodh córasach. Níor cheart dul i muinín na forála sin ach amháin má tá gá sonrach ann imeacht ón riail láimhe, is é sin go bhféadfaidh an Coimisiún dréachtghníomh cur chun feidhme a ghlacadh mura dtugtar aon tuairim. Toisc gurb eisceacht é ón riail ghinearálta a bunaíodh le hAirteagal 5 mír 4, ní féidir glacadh le dul i muinín phointe (b) den dara fomhír mar "cumhacht lánroghnach" de chuid an Reachtóra, agus ní mór ciall a bhaint as ar bhealach sriantach agus, mar sin, údar a bheith leis.